



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A- 33-2/25

Sarajevo, 17.02.2025. godine

Na osnovu člana 8. Zakona o javnim nabavkama („Službeni glasnik BiH“, broj: 39/14, 59/22) i Pravilnika o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj: 2/23), glavni tužilac Tužilaštva Bosne i Hercegovine d o n o s i

ODLUKU
o izboru ponuđača za poštanske usluge za 2025. godinu

Član 1.
(Predmet odluke)

Ovom odlukom se izvršavanje poštanskih usluga za potrebe Tužilaštva-Tužiteljstva Bosne i Hercegovine za 2025. godinu dodjeljuje ponuđaču „JP BH POŠTA“ d.o.o. Sarajevo.

Član 2.
(Kriterij za izbor)

- (1) Ponuda ponuđača iz člana 1. ove odluke zadovoljava sve uslove utvrđene u Pozivu za dostavljanje ponuda broj: A-33-1/25 od 23.01.2025. godine.
- (2) Ponuđač iz člana 1. ove odluke će svoje troškove fakturisati u skladu sa elementima Ponude i uslovima i kriterijima utvrđenim u Pozivu za dostavljanje ponuda.

Član 3.
(Stupanje na snagu)

Ova odluka stupa na snagu danom donošenja.

Ova odluka će se objaviti na web stranici Tužilaštva Bosne i Hercegovine istovremeno sa upućivanjem iste ponuđačima koji su učestvovali u postupku predmetne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj: 39/14, 59/22).

O b r a z l o ž e n j e

U skladu sa odredbama Pravilnika o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj: 2/23) Poziv za dostavljanje ponuda za poštanske usluge za 2025. godinu broj A-33-1/24 od 23.01.2025. godine objavljen je na Portal javnih nabavki.

Do 17.02.2025. godine zaprimljena je 1 (jedna) ponuda dostavljena na Javni poziv Tužilaštva BiH za dostavljanje ponuda za poštanske usluge za 2025. godinu.

Analizom ponuda utvrđeno je da je na Javni poziv dostavljena ponuda ponuđača „JP BH POŠTA“ d.o.o. Sarajevo.

Prilikom pregleda dostavljene ponude utvrđeno je da ponuda ponuđača: „JP BH POŠTA“ d.o.o. Sarajevo ispunjava uslove tražene Pozivom broj: A-33-1/25 od 23.01.2025. godine., te je ponuda prihvatljiva.

Za sve ponude koje budu dostavljene nakon donošenja ove odluke, a za koje bude utvrđeno da ispunjavaju sve uslove tražene Javnim pozivom, ugovorni organ će izvršiti izmjenu odluke o izboru, u kojoj će dodati i nove ponuđače.

Predmetne usluge će se pružati sukcesivno, prema potrebama ugovornog organa u periodu 2025. godine.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Tužilaštvu Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od 10 dana od dana prijema ove odluke.



Dostavljeno:

1. Ponuđačima
2. Odjelu za mat.-fin. poslove